

史部・地理類

〔弘治〕八閩通志 上

北京圖書館古籍珍本叢刊

33

書目文獻出版社

八閩通誌序

閩雖為東南僻壤然自唐以來文獻漸盛至宋大儒君子接踵而出仁義道德之風於是乎可以不愧於鄒魯矣先哲凋謝典刑日遠士習民風漸不如昔此有志於世道者所為深慨嘆也仲昭多病早衰退處山林竊不自揆思欲考求前志表章先哲之典刑以風厲後學庶幾於世道少有所補而不終為聖朝棄物也顧私家無力不能盡得八郡之誌以備檢閱而書人筆札之屬亦無所取給盖有志而未能力者久之適今御用監太監五羊陳公奉命鎮閩雅好文事藩臬諸君子因以

諸郡之誌久曠不修為言公慨然曰誰可屬筆者諸君子僉以仲昭為宜公乃具書幣俾行部憲臣踵門而請焉仲昭亦欲有以畢其初志故不辭而為定其凡例隨事分類為大目十又八所統小目凡四十又二每類則合八府一州之事以次列之釐為八十七卷名曰八

閩通誌其間若地理食貨秩官學校選舉壇廟恤政宮室丘墓古蹟之類皆因諸郡所采事蹟隨其詳略稍加刪次或遇營建修治之得宜而可以示法於後世者始備錄之至於人物一類誌或有未載及載而未盡者必旁搜博考尤致其意焉如福之人物舊誌俱未有登

載今則以進士郡人林謹夫所輯鄉賢傳及閩邑庠司訓蘭溪鄭璣所輯郡誌采入莆之人物亦未有類萃而歸于一者今則以郡人方先生時舉所著人物誌吳先生源所著名公事述及今少冢宰彭先生韶所輯莆陽誌采入建寧舊誌已亡成化初郡守安成劉鉞嘗修之未及成而遷官遂并携以去陳公特遣使詣其家訪得之今悉因其所載者采入延平則有郡庠司訓縉雲樊阜所修誌邵武則有前郡守南充馮致後郡守仁壽劉元所修誌泉漳汀三郡誌則皆近日郡人所纂輯者今所采人物皆因之又慮局於見聞之偏而於公論

有未協也復以質於膳部主事莆田宋端儀重考論而去取焉先儒廣漢張子嘗論修誌不可不載人物豈不以人物乃典刑所繫而可以有補於世教乎仲昭纂輯斯誌而尤慎重於是者蓋亦廣漢張子之遺意也時預纂修者福州指揮陶僖前黃梅司訓三山龔章麗水司訓宗姪洙儒士莆田熊晟張元紳及樊鄭二司訓也終始相成其事惟元紳及洙之力為多提督采取諸郡事蹟及綱領纂修之事者提學僉憲金陵任君彥常實任之若夫籙廩筆札書人刻工之費則皆陳公所自區畫一芥不以煩有司用是仲昭得以優游歲月以卒

其事云

弘治二年龍集巳酉孟夏之朔甫
田黃仲昭序

八閩通誌序

郡邑有誌尚矣而一藩全誌昉於
近時去離為合寓繁於簡是亦一
道也然統屬既廣該括難周作者
或詳近而略遠或粹古而遺今或
為己而忘他人觀者病之重以序
述體裁去取權度人各異論欲為
成書之善而可以信今傳後豈不
難乎八閩初未有通誌內監五羊
陳公作鎮之五年因藩憲二司之
請屬筆于吾友今僉憲黃仲昭先
生採輯五六年始克成書上可以
資處分下可以裨咨詢其功云勞
而所補不小矣公命亟壽諸梓且
致簡於予曰是書之作其文則誌
其義則資治之史也願有序嗟乎

閩於天下為彈丸黑子之地其事若省約然自古迄于今疆理民俗人才凡三變非紀述之詳何以究同異驗升降而可資以為因革之政哉蓋自秦郡縣天下之後漢屬甌閩於會稽郡唐以隸江南道至宋以來別為一路專達於天子矣方岳由是而始列自漢武徙其民於江淮間永嘉板蕩乃有衣冠而南王氏割據復有元從而南及宋氏都杭諸名家又益南矣華俗由是而不丕變自八姓入閩之後而人才漸有然猶不樂內仕至常袞興學而文物乃多宋治休明而名賢遂輩出矣人物於是為極盛故有稱吾建謂齒為上國者謂海濱鄒

魯者又有謂文公闕里者然則後世之八閩豈古昔之八閩哉通誌於山川食貨學校貢舉壇廟宮室宦迹人物之類靡不具述實皆三者之所為政君子仕優而寓覽焉上下千餘年之事粲然在目其能不撫卷而發感慨之念乎故思吾全閩完如金甌不可不加保護之功矚彼民俗翻其反而不可不致扶正之力慮今之人才落落如晨星則作成之術尤不敢後固宜省刑薄斂除凶去盜敬神恤民禮賢立教豪傑必使之興焉風俗必使之淳焉河海必使之清且晏焉然後見斯志也作者有不言之功觀者得開卷之益而公勤渠之

意不虛負矣予閩人也喜見其成故不辭而序之

弘治四年歲次辛亥冬十一月吉資善大夫刑部尚書莆田彭韶書



八閩通志序

卷九

八閩通志凡例

一纂修事自俱做

大明一統誌立例但其書備載天下之事其采輯不得大從簡約今之所輯者特一方之事而已宜加詳焉故於其已載而未悉者增之未載而可采者補之自其纂修之後事有當續者亦各隨類纂入

一八郡事蹟雖各以其類纂輯然亦略有次第蓋建置郡邑疆域既定然後山川城郭鄉市之類有所寄故以地理為首地理既定然後戶口土田貢賦之類有所屬故食貨次之既有土有人矣於是乎建官設屬而封爵秩官公署次焉於是乎育材取士而學校選舉又次焉國之大事在於祀神故次以壇廟政之所施必先窮民故次以郵政若夫人物則土地之所重宮室寺觀丘墓古蹟祥異則皆土地之所有而詞翰則又所以紀土地之風俗形勝者也故皆以次列之而終之以拾遺云
一各府以建置先後為序各縣除附郭外亦以建置先後為序

一建置沿革凡各郡所同者俱見布政司下而不復重出觀者可互見也

一諸郡戶口土貢財賦及歷官科貢薦辟之類凡前代有可考者悉以次列之其不可考者闕焉

一人物名臣若出處光明論議剴切操履純正勲業隆盛者固無容議矣然所遇有不同不能人人兼備也其或有一于此而無愧焉者亦並錄之道學

則取其淵源伊洛師友考亭而弗畔於其道者儒林則取其學明經術行循矩度而足以表率後進

者他如良吏忠節孝義文藝之類則亦各舉其盛者而著之要皆不失其正而可以為世楷範者也其不合乎此者不錄

一五代時人物仕於偽閩南唐吳越者其立朝風采雖可觀亦不得與中朝之名臣並列今特取其一節之尤盛者各以其類誌之

一人物史有載於儒林而今列於道學者更有載於文苑而今列於儒林者更有載於循吏而今列於名臣者此類甚多蓋史以紀天下之人物誌以紀

一方之人物其品第差等自不能不少異也
一貞女烈婦已被
百獲旌者固在所錄或有不幸未及
上聞而死者亦有
上聞未及竄報而死者其堅操苦節皆足為世勸也今
故慎擇而並錄之

一仙佛詭異之說如福州鳴水巖高蓋山建寧幔亭峰叩冰菴興化伏蟒巖九鯉湖之類皆未敢深信第以土俗流傳圖誌紀載其來已久粹難盡去姑因舊誌存其大都觀者宜自擇焉

一諸郡古今碑文甚夥不能悉錄今取其有關於土俗風化且其事可以備本誌之缺略者載之非敢品第工拙而有所去取於其間也

一諸郡古今題咏亦取其有關於風俗山川人物者錄之其或摘取一二句不成篇章者則附於本誌之下間有紀咏事蹟摹寫景象可以與本誌相發明者雖全篇亦附載其下以便覽觀

一名宦人物必其人既沒世而後錄之庶不貽異議

一

一

一

一

一

也詩文亦然

一各項事跡凡在唐武后時皆依朱子通鑑綱目改用中宗嗣聖年號其在偽閩僭號紀元之後者亦改用五代年號其後地入南唐仍用五代及宋年號

一諸郡舊誌多紀載訛舛不足信據今悉以國史參互考訂而辯正之

八閩通志九例

八閩通志目錄

卷之一

地理

建置沿革

卷之二

地理

郡名分野疆域形勝

卷之三

地理

風俗里至

卷之四

地理

山川福州府

卷之五

地理

山川福州府 建寧府

卷之六

地理

山川建寧府

卷之七

地理

山川泉州府

卷之八

地理

山川漳州府

卷之九

地理

山川汀州府

卷之十

地理

山川延平府

卷之十一

地理

山川邵武府

卷之十二

地理

山川興化府

卷之十三

地理

城池福州府

卷之十四

地理

坊市福州府 建寧府 泉州府 漳州府

卷之十五

地理

坊市興化府 福州府

卷之十六

地理

鄉都泉州府 漳州府 汀州府 延平府

卷之十七

地理

橋梁福州府 建寧府

卷之十八

地理

橋梁 建寧府 漳州府 汀州府

卷之十九

地理

橋梁 延平府 邵武府 興化府 福寧州

卷之二十

食貨

戶口 土貢 財賦 福州府 建寧府 泉州府 漳州府

卷之二十一

食貨

財賦 汀州府 延平府 邵武府 興化府 福寧州

土田 水利 福州府

卷之二十二

食貨

水利 福州府 建寧府 泉州府

卷之二十三

食貨

水利 泉州府 漳州府 汀州府 延平府 邵武府

卷之二十四

食貨

水利 興化府 漳州府 坑冶

卷之二十五

食貨

土產 福州府 建寧府

卷之二十六

食貨

土產 泉州府 漳州府 汀州府 延平府 邵武府 興化府 福寧州

卷之二十七

封爵

秩官

職員 方面

卷之二十八

秩官

職員 福州府 建寧府

卷之二十九

秩官

職員 泉州府 漳州府 汀州府 延平府 邵武府 興化府 福寧州

卷之三十

秩官

鎮守 巡撫 巡按 歷官 福州府

卷之三十一

秩官

歷官 福州府 建寧府

卷之三十二

秩官

歷官 建寧府 泉州府

卷之三十三

秩官

歷官 泉州府 漳州府

卷之三十四

秩官

歷官 汀州府 延平府

卷之三十五

秩官

歷官 邵武府 興化府 福州府

卷之三十六

秩官

名宦 福州府

卷之三十七

秩官

名宦 福州府 建寧府 泉州府

卷之三十八

秩官

名宦 漳州府 汀州府 延平府

卷之三十九

秩官

名宦 邵武府 興化府 福州府

卷之四十

公署 方面 福州府 建寧府

卷之四十一

公署 建寧府 泉州府

卷之四十二

公署 漳州府 汀州府 延平府

卷之四十三

公署 延平府 邵武府 興化府 福寧州

卷之四十四

學校 福州府 建寧府 泉州府

卷之四十五

學校 漳州府 汀州府 延平府 邵武府 興化府 福寧州

卷之四十六

選舉

科第 福州府

卷之四十七

選舉

科第 福州府

卷之四十八

選舉

科第 福州府

卷之四十九

選舉

科第 建寧府

卷之五十

選舉

科第 泉州府

卷之五十一

選舉

科第 漳州府 汀州府

卷之五十二

選舉

科第 延平府 邵武府

卷之五十三

選舉

科第 興化府

卷之五十四

選舉

科第 興化府

卷之五十五

選舉

科第 興化府 福寧州

卷之五十六

選舉

歲貢 福州府 汀州府 延平府 建寧府 泉州府

卷之五十七

選舉

歲貢 邵武府 興化府 福州府 福寧州 薦辟

卷之五十八

壇壝

祠廟 福州府

卷之五十九

祠廟 建寧府 漳州府 汀州府 泉州府

卷之六十

祠廟 延平府 興化府 邵武府 福寧州

卷之六十一

郵政

卷之六十二

人物 福州府

卷之六十三

人物 福州府

卷之六十四

人物 建寧府

卷之六十五

人物 建寧府

卷之六十六

人物 建寧府 泉州府

卷之六十七

人物 泉州府

卷之六十八

人物 泉州府 漳州府

卷之六十九

人物 汀州府 延平府

卷之七十

人物 邵武府

卷之七十一

人物 興化府

卷之七十二

人物 興化府 福寧州

卷之七十三

宮室 福州府 泉州府 建寧府

卷之七十四

宮室 漳州府 汀州府 延平府 興化府 福寧州

卷之七十五

寺觀 福州府

卷之七十六

寺觀 福州府 建寧府

卷之七十七

寺觀 建寧府 泉州府 漳州府

卷之七十八

寺觀 汀州府 延平府 邵武府

卷之七十九

寺觀 興化府 福寧州

古墓

卷之八十

古蹟

卷之八十一

詳異

卷之八十二

詞翰 福州府 建寧府

卷之八十三

詞翰 泉州府 漳州府 汀州府

卷之八十四

詞翰 邵武府 興化府 福寧州

卷之八十五

拾遺 福州府 建寧府

卷之八十六

拾遺 泉州府 漳州府 汀州府 延平府 邵武府 興化府

卷之八十七

拾遺 興化府 福寧州

八閩通志目錄終

八閩通志卷之一

地理

閩地之見於載籍昉自周職方氏秦變古法始郡縣天下閩雖為郡猶棄不屬降君長而已至漢無諸國亡乃漸置郡縣然其詳亦不可得而考也自孫吳奄有其地迄于隋唐郡縣之制始大備矣歷代相禪以至于今

今雖其分野之躔度封域之形勢山川之流峙潮汐之往來固無古今之間然其間郡縣之廢置

名號之因革疆土之廣狹道里之遠近風俗之臧否與夫城郭關梁之或興或廢鄉都閭井之或盛或衰又紛然不一也不有紀載則後之考輿圖者將何所徵乎乃志地理

建置沿革

福建等處承宣布政使司

福建周職方為七閩地秦為閩中郡亦屬漢高帝五年封亡諸王於此是為閩越國都治治山名即古山今將軍也孝惠三年分東甌即今浙江溫州府永嘉縣以封閩越君搖

為東海王建元三年東甌舉國徙江淮其地復屬

閩越六年封無諸孫丑為繇王又封餘善為東越

王與繇王並處故又名東越元鼎五年餘善反漢

擊之元封元年繇王居股殺餘善以降武帝以其

阻悍數反覆改封居股東成侯遷其民江淮間遂

虛其地後復立治縣此時東甌尚未析出按三山志云武帝滅之徙其人名為東治舊屬會稽南部

都尉尤武罷都尉後又分治縣為東南二部都尉

按三山志註云東曰臨海南曰建安竊意分東甌

唐實應元年一復來蜀直至此為南部建安初始

有候官即今福州興化泉州漳州四府之地三山志註云舊記謂尤武以為東候官未見其

建安即今建寧府南平即今延平府漢興即今浦城縣等五縣

其一史闕書景耀三年吳永安以建安為建安郡

改漢興為吳興增置建平即今建寧府東平詳將樂

將樂昭武即今邵武府東安即今泉州府同安縣凡領九縣

晉太康三年始以候官東安為晉安郡俱隸揚州

吳時以丹陽郡為刺史治所元康元年隸江州

晉因之即今應天等府地

治初

今江西之南昌府 劉宋泰始四年改晉安為晉平
後移治九江府 關中記云元嘉中改尋復故梁天監中析晉安郡
為昌國郡考宋書無

地置南安郡 即今興化泉州 晉通六年晉安建安

南安三郡俱屬東揚州 即今浙江紹興金華溫州

地陳永定初升為閩州領三郡 天嘉六年仍舊光

大元年 蕭揚志 復升為豐州隋開皇九年改為泉

州廢建安南安二郡屬焉大業初復為閩州三年

改為建安郡領閩 傳原豐縣即今福州府 建安南安 俱見龍

溪州府 即今漳 四縣治閩縣唐武德元年改為建州四

年移建州於建安五年析南安為豐州六年析閩

縣為泉州八年置都督府治泉州領泉建豐三州

貞觀初廢豐州併入泉州隸嶺南道 即今兩廣等

置都督府領三州此又云隸嗣聖三年析置漳州

嶺南道 疑都督府是歲亦廢 景雲二年改泉州為

十六年又置武榮州 俱舊豐州地

閩州都督府又改武榮州為泉州并建漳潮 潮即

東潮州府 五州屬焉開元十三年改為福州都督府十

九年置泉山府兵二十一年置經略使二十二年

以漳潮歸嶺南領福泉建汀四州二十四年開福

撫 撫即今江 二州山洞置汀州 據唐書如此三山

天寶元年改隸江南東道 即今應天鎮江常州

復以漳潮歸嶺南至德二載置經略軍寧海軍乾

元元年改為都防禦使兼寧海軍使復為福州都

督府上元元年升節度使領福泉建汀漳潮六州

按閩中記云天寶二年割潮州歸嶺南三山志云

十載復以漳潮歸嶺南且註云舊記言二年非故

大曆六年罷節度下又註以潮州歸嶺南是天寶

十載歸嶺南後二州又來屬至大曆六年潮州復

歸嶺南而漳州遂留不復去矣此云領州六其為

福泉建汀漳潮無疑閩中記乃謂上元二年管溫

州而三山志亦收入註中似欲以補六州之

數然考其所記年號前後顛錯恐不足信 寶應

元年温州來屬未幾遂歸越州大曆六年罷節度

使置都團練觀察處置使以潮州歸嶺南元和間

廢經略寧海軍其後王潮據有此土至乾寧三年

升為威武軍以潮為節度使五代梁開平三年封

潮弟審知為閩王貞明六年升為大都督府天成

元年審知子延翰偽建大閩國唐長興四年僭號

改元晉天福八年王延政僭號於建州國號殷開

運二年復稱閩王以福州為東都領福泉建汀漳

鑄即今將樂縣 鑄即今延平府 七州未幾為南唐所滅而泉

州散員指揮使晉從効據泉漳二州南唐遂升泉

州為清源軍以從効為節度使漢乾祐元年閩東

都留守李仁達舉國歸吳越錢氏南唐改鑄州為

劍州周廣順元年改福州為彰武軍宋建隆三年

從効卒泉漳二州尋為其將陳洪進所奪乾德二

年改清源軍為平海軍以洪進為節度使太平興

國三年洪進及錢氏俱納土復為威武軍領福泉

建汀漳劍六州省鑄州省鑄州舊志不載何年 析建州邵武

縣置邵武軍屬兩浙西南路按方輿勝覽云建寧府初隸江南又隸兩浙南路而三山志不載未知是否 四年析泉州

游洋鎮置興化軍雍熙二年始為福建路景德三

年置安撫使以福州守臣兼領嘉祐四年帶鈐轄

大觀元年升為帥府四年罷建炎三年復升為帥

府元至元十四年置福建廣東道提刑按察司十

五年置福建行中書省十六年改置宣慰使司省罷

俱治福州二十年復置行中書省宣慰司罷 二十二年

改置宣慰使司併入江西行省二十三年復置行

中書省宣慰司罷 二十四年改為行尚書省二十八年

刑按察司為福建閩海道肅政廉訪司按治帥府

漕司軍民司屬二十九年復置行中書省宣慰司罷 大

德元年立福建平海行中書省徙治泉州與平章高

州與琉球相近或招或取易得其情故徙之

帥府仍徙治福州據三山續志如此考之元史本

紀謂至元十五年徙行省於泉州

十年改按察司為福建閩海道併泉州行省入福

州罷福建宣慰司復立行中書省於漳州三十一

年以管如德為泉州行省參知政事而地理志又

謂至元十四年立行宣慰司兼行征南元帥府事

于泉州十五年改宣慰司為行中書省十八年遷

行省於福州十九年復還泉州二十年仍遷福州

二十二年併入杭州百官志又謂二十三年併入

江浙俱與三山續志不同未知孰是竊詳三山續

志修於元致和間一代典籍尚存必有所據而元

史則修於易代之後典籍未免散逸容有未審疑

當以三山續志為正且元史本紀地理志百官志

本一書而自相矛盾 至正十六年復改置行中書

省按元史百官志是年復置福建行中書省此後

不復廢而其下又言二十六年置福建江西等

處行中書省 二十六六年置福建行樞密院至是天

不知何也 而下大亂福建諸路及廣東潮州俱平章陳有定據

而守之